

石立善周 斌 主編

日本先秦兩漢諸子研究文獻彙編

第三輯

四



上海社會科學院出版社
SHANGHAI ACADEMY OF SOCIAL SCIENCES PRESS

日本先秦兩漢諸子研究文獻彙編

第三輯
第四冊

韩非子翼毳(上)

韩非子翼毳序	三
韩非子翼毳目錄	一三
史記韓非傳	二一
韓非子附祿翼毳	
初見秦	三七
存韓	五八
韩非子翼毳卷第一	
難言第一	七七
愛臣第二	九一
主道第三	九六
韩非子翼毳卷第二	
有度第四	一一三
二柄第五	一三二
揚權第六	一四一
八姦第七	一七〇
韩非子翼毳卷第三	
十過第八	一八五
韩非子翼毳卷第四	
孤憤第九	二三七
說難第十	二四九

和氏第十一	二六五
姦劫弑臣第十二	二七一
韩非子翼毳卷第五	
亡徵第十三	二九九
三守第十四	三一八
備内第十五	三二一
南面第十六	三三一
飾邪第十七	三三八
韩非子翼毳卷第六	
解老第十八	三六一
韩非子翼毳卷第七	
喻老第十九	四三一
說林上第二十	四六八
韩非子翼毳卷第八	
說林下第二十一	五〇一
觀行第二十二	五三三
安危第二十三	五三七
守道第二十四	五四五
用人第二十五	五五二
功名第二十六	五六二
大體第二十七	五六六
韩非子翼毳卷第九	

內儲說上七術第二十八……………	五七三
韓非子翼毳卷第十……………	
內儲說下六微第二十九……………	六三一

韓非子翼毛毳(上)

太田方 撰

文化五年（一八〇八）刻本（卷首及卷一至卷四配補舊抄本）

韓非子翼義序

漢書卷之序

韓子名非韓之諸公子也其為學也厚

無為焉在喻人主夫人主之道以羣臣

名以其名責其形形當其名名當其形則賞形不當

其名名不當其形則罰故曰形名之學以形名為刑

罰之刑訛也其為言也非儒術而倍先王絕文學而

蠹詩書其故何哉壞亂異勢治術不同古今殊時禮

法不一昔者孔子之時周室陵遲皇綱絕紐強大魚

奔小弱裂缺上下僭亂華戎交侵於是齊桓匡救於



前晉文糾逖於後故德化雖衰神器未遷舊章典禮
猶有存焉孔子觀乎周道之可復興也故陳文武之
道明周召之業講之周禮考諸先王以干時君然終
莫用者故有從周之言而為東周之歎矣若夫當韓
子之時七雄竦峙二周顛覆典禮廢壞無郁郁之文
雅樂分崩無洋洋之美胡服之議興而冕端之制廢
首級之功立而揖讓之禮熄何法服之可服何法言
之可道故當世之所務適時宜而察事情覈實用而
去浮華禁末作而勸本事變汚俗而更舊染矣所以

處方今之世而為當時之治也然也儒不知妄託仲
尼之迹空言先王之法口說堯舜之道虛論湯武之
義自以天下可運諸掌今時易然由反乎也人主濫
其辯口聽其浮說與謀國事則濶於事情加之卿相
則無益於國當今之時而急古之務處極亂之世而
道至治之跡譬之猶失火之家釋其綆缶姑閱父書
而索救火也父書雖可尊也無逮於救火矣夫先王
之法父書也七雄之時失火也法術之言綆缶也然
則當時之治豈可盡法術之言而一閱先王之法

哉其不可亦明矣故韓子孤憤於斯詆訐指駁無所
避諱延及先聖時訾前賢自爾以來亡秦據韓子之
書祖商鞅之故剗滅墳典黷除聖籍縉紳先生懲其
若此酸鼻疾之極口斥之夫縉紳先生先入于文雅
之門優游乎禮樂之場漸積之後初窺形名故顛越
乎峻巖眩曜乎高嶷前論為主後言見擯乎斯道者
嫌乎少恩脩斯術者疑乎慘礪以為妨於仁義而害
於詩書故鮮有敢為之注解焉者矣幸免其覆轍而
僅存乎今者實賴昭烈一言之勅與武侯手寫之勸

耳適有舊注亦時遺闕使讀者惘若無所據援余為
慨然凝思注解久矣嗟夫生於千歲之下覽於千歲
之上加之篆隸轉移亥豕謬舛舊典古志豈易讀哉
況淺學寡聞固不足以致悉備故據依前輩所述舊
聞徵諸經傳考諸史子比其文義通其訓詁乃為之
注解焉名曰韓非子翼龜翼者如鳥之羽翼言左右
成其義也班氏有言曰道混成而自然術同原而分
流余欲取之左右逢其原矣龜者為腹宅也去之無
損於翰增之無益於飛同異訛謬涉於嫌疑俱載與

存街談巷說裨於斯書輒采隨筆勤々懇々不厭其繁使疏通廣心之人涉獵揚摧之士斟酌於是有可以采耶資而擇焉直省檢閱之疲勞耳按史記韓非傳曰非見韓之削弱數以書諫韓王韓王不能用於是云云作孤憤五蠹內外儲說々林說難十餘萬言人或傳其書至秦秦王見孤憤五蠹之書曰嗟乎寡人得見此人與之游死不恨矣李斯曰夫韓非之所著書也秦因急攻韓々王始不用非及急乃遣非使秦秦王說之未信用李斯姚賈害之曰云々不如以

過法誅之秦王以爲然下吏治非李斯使人遺非葉
使自殺據秦王是言則弔書已在韓子入於秦之前
矣何得首有初見秦存韓二篇哉韓子入於秦之後
亦爲李斯所害又何得有弔二篇哉余是以不取弔
二篇且初見秦篇曰臣昧死言所以亡韓又曰一舉
而韓不亡大王斬臣以徇夫韓子韓之諸公子也然
以亡韓爲事何宗國之不閔哉夫人之思故常情也
韓子獨無情哉其人也雖少恩然亦必不以亡宗國
之言說初見之秦王矣若夫果以是說之耶必見疑

之數也豈說難之義也哉假合實有是事然亦必不以亡宗國之言為首篇與其可疑一矣若夫存韓篇則韓子之說弗成李斯之議未可知也其卒也韓說果敗斯遊遂成韓子何彰己之媿屬諸次篇哉其可疑二矣首載亡韓之言次紀存韓之事一人之書一書之中一亡一存乍秦乍韓何其無特操哉其可疑三矣且縱衡之說攻伐之事秦儀之所為而非韓子之所脩也其可疑四矣戰國策以初見秦為張儀書其可疑五矣又且次二篇史官記事之體而非憤士

著書之旨也。以是觀之。次二篇蓋一時好事者或以二事冠書首。以序韓子事後。人不辨列之篇目矣。今更附于卷端。以難言為首篇。凡五十三篇。附二篇。若有度揚權說難節邪說疑詭。使八說八經。心度制分諸篇焉。馬背馳帝席成羣。其難解釋者。亦不敢牽強。至于姓氏名號。地理道方。極多闕如。以俟來哲。老子曰。古之善為道者。非以明民。將以愚之。夫形名法術。可使由之。不可使知之。故知者不言。言者不知。書不盡言。言不盡意。意又深者。言不能道。言之微者。書不

能載若之何可發蘊與哉雖然余退食之暇聊電勉
於此書是以忘其固陋敢布膚淺後之君子質之罪
焉不敢辭鈇鉞

天明癸卯五月

福山太田方撰

韓非子翼龜目錄

附錄

初見秦

存韓

第一卷

難言第一

愛臣第二

主道第三

第二卷

有度第四

二柄第五

揚權第六

八姦第七